

PUO YA BOPHATLALATSI BA DITABA KA SARS

SARS E ANANELA KAKANYO E LEKOTSWENG BOTJHA YA POKELLO YA LEKGETHO BAKENG SA SELEMO SA DITJHELETE SA 2025/26

Tshwane, 25 Hlakola 2026 – Khomishenara ya Ditshebeletso tsa Lekgetho tsa Afrika Borwa (SARS), Mong. Edward Kieswetter, o ananetse kakanyo e lekotsweng botjha ya pokello ya lekgetho e tsebisitsweng ke Letona le Kgabane la Ditjhelete Mong. Enoch Godongwana. SARS e ka se lobe letho matsapeng a yona a ho fihlella kakanyo ena ya pokello ya lekgetho ha e ntse e behile leihlo tikoloho ya tsa ditjhelete mmoho le ditshupi tsa bohlokwa tse kgolo tsa ikhonomi leihlo. SARS e tla etsa hore mawala a yona le tshebetso a tsamaisane le tshebetso e tswelang ya pokello ya lekgetho le ho sireletsa mokotla wa naha.

Khomishenara Kieswetter o boletse hore SARS' "e na le tshepo ya ho fihlella kakanyo e lekotsweng botjha ya pokello ya lekgetho mme yona e itshetlehle hodima ditlwaelo tsa jwale tsa ikhonomi mmoho le tsepamo ya mokgatlo e hodima tshebeletso le boikobelo".

Puong ya hae ya Tekanyetso, Letona le lekotse botjha kakanyo ya pokello ya lekgetho ya 2025/26 ho ya hodimo ho R2 006.9 billion, ho tswa kakanyong ya Puo ya Nako e Mahareng ya Tekanyetso (MTBPS) ya 2025 ya R2 005.3 billion. Sena se supa ntlafalo ya R21.3 billion papisong le ya Tekanyetso ya 2025 moo kakanyo e neng e le R1 985.6 billion, mme eo ho yona R1.7 billion e leng e neng e le kakanyong ya MTBPS ya 2025. Matsapa a SARS a mabapi le ho kgothaletsa boikobelo ba tefo ya lekgetho mafelong a Pherekgong 2026, a bile le kabelo ya R11.6 billion sephethong sena se ntlafetseng, mme sena ke kabelo ya (54.5%) ya paloyohle ya ntlafalo ena. Sena se akareditse pokello ya tjhelete e kana ka R7.1 billion, eo yona e bopilweng ke R3.6 billion ho tswa phumanonghape ya sekoloto mmoho le R4.5 billion ho tswa thibelong ya ho dutla ha mokotla wa naha. Ho leptjwa hore kabelo ya SARS e tla ba haufi le R14 billion (65.7%) mafelong a selemo. Kakanyo e lekotsweng botjha e bontsha dipalopalo tse ntlafetseng tsa ditjhelete, ho akareditswe le reshiyo ya lekgetho papisong le GDP ya 25.9% mmoho le mahlahlaha a 1.69.

Tikoloho ya lefatshe ka bophara ka 2025 e ipabotse ka qeaqeo e kgolo, ha maqalo a 2026 ka lehlakoreng le leng, ho ntse ho na le ditsitsipano tse ntseng di ata pakeng tsa dinaha. Hae mona, kgolo ya ikhonomi e tsitsitse, mme ho bile le dikotara tse nne tse latellanang tsa katoloho mmoho le kgolo e nngwe e bonahetseng kotareng ena ya morao tjena. Mejo ya kwano lapeng e bile yona e

susumeditseng kgolo, mme yona e eketsehile ka 3.0% le ho feta ka 2025, papisong le kakanyo ya kakaretso ya kgolo ya GDP ya 1.3%. SARS e ka tiisa hore tshebetso ya pokello ya lekgetho e ntse e tswela pele ho bontsha boemo bo batsi ba tsa ikhonomi, ho bapa le sefutho sa diqeto tsa leano la lekgetho mmoho le diphetho tsa boikobelo.

Bokaalo ba pokello yohle ya lekgetho ya Selemo ho fihlela Jwale (YTD) e bile R1.973 trillion, mme sena se nyolohile ho tswa ngwahola moo e neng e le R1.839 trillion ho ya ho R134.7 billion (7.3%). Keketseho ena e akaretsa bokaalo ba tjelete (kontane) ba R118.8 billion, mme ena ke nyoloho ho tswa ho R111.7 billion ngwahola ka bokaalo ba R7.1 billion (6.4%), e leng se bakilweng ke ntlafalo ya taolo e sebetsang hantle.

Pokello ya lekgetho ka mora dikgulo ya Selemo ho fihela Jwale (YTD) e bile R1.586 trillion (papisong le ya 2025 ya R1.460 trillion, e leng keketsheho ya R125.8 billion, kapa 8.6%). Pokello ena ya lekgetho ka mora dikgulo ya Selemo ho fihela Jwale (YTD) e boela e akaretsa matsapa a boikobelo a R225.0 billion (papisong le R213.4 billion ka 2025, e leng nyoloho ya R11.6 billion, kapa 5.4%).

Kakanyo e lekotsweng botjha ya pokello ya lekgetho, ho sa natswe diqeto tse supang phokolo e ka bang teng ikhonoming, e supa tshwaetsano e pakeng tsa ditheko tsa dirafshwa, mmoho le tsepamo e tswelang ka SARS ya ho ntlafatsa boikobelo. Diqeto tsa kgolo e nnyane ya GDP di ile tsa lekolelwa tlase ho ya ho 4.8% (ho tswa ho 5.4% ka MTBPS ya 2025) mme infleishene ya tshupane ya ditheko tsa basebedisi (CPI) e ile ya lekolelwa tlase ho 3.3% (ho tswa ho 3.5% ya MTBPS ya 2025). Tlhahiso ya nnete ya kakaretso ya Naha (GDP) ho ne ho lebelletswe hore e ntlafale le ho feta ho ya fihla ho 1.8% (ho tswa ho 1.5–1.6% ya MTBPS ya 2025). Ho feta moo, ho latela dintlha tsa ditshenyehelo tsa GDP, ponahalo ya mejo ya ho qetela ya lapeng mmoho le diramelwantle e lekoletswe hodimo, ha tse ding tsa ditshupi tse kang mejo ya ho qetela ya mmuso, popeho e tsepameng pele ho dikgulo ya tjelete, mmoho le dithomello kahare ho naha di ile tsa lekolelwa tlase.

Tlhaloso ya pokello ya lekgetho la mekutu ya boikobelo ba tefo ya lekgetho ya R225 billion:

- Ba bileng le kabelo e ka sehloohong hodima boikobelo ba kontane e bile ho fumanwa hape ha tjelete e neng e kolotuwa ya R84 billion, mme sena se nyolohile ho tswa ho ya ngwahola ya R79.6 billion ka R4.4 billion (4.4%); mme ditefo tsa Serapa sa 19(3) ho tswa dikgwebong tse kgolo e bile R12.1 billion, mme ena ke nyoloho ho tswa palong ya ngwahola ya R10.8 billion ka R1.2 billion (11.5%).

- Ditefo tsa dipusetso tsa Selemo ho fihela Jwale (YTD) e bile R387.3 billion, mme ena ke nyoloho ho tswa ho R378.4 billion ya ngwahola ka R8.9 billion (2.4%).
- Mekutu yohle ya ho thibela ho dutla ha mokotla wa naha e bile le ditholwana tsa R106.3 billion papisong le phihlelo ya ngwahola ya R101.7 billion, mme sena se nyolohile ka R4.5 billion (4.4%), mme boholo ba sena bo bakilwe ke:

Makgetho a Khiri (PAYE)

Dipokello tsa Lefa ho ya ka Moputso (PAYE) di bile le paloyohle ya R636.2 billion ka Pherekong 2026, mme sena se bontsha kgolo ya Selemo le Selemo ya R45.9 billion (7.8%) papisong le ya ngwahola, le e ka tlase hanyane le kgolo ya selemo ya 2025 ya MTBPS moo ho neng ho lebelletswe sekgahla sa kgolo sa 8.4%.

Kgolo ya Selemo le Selemo e ile ya kgannwa haholo le dipokello tse tswang ho beng ba mesebetsi makaleng a tsa ditjhelete, baahi, le mabenkeleng a maholo. Kgolo e ile ya nonyetswa ke dipokello tsa PAYE tsa mokgwatshebetsopedi wa pehomejafatshe tsa R8.5 billion, e leng e ka tlase ho R10.6 billion e bokelletsweng ngwahola.

Ho tsebahatswa ha mokgwatshebetsopedi wa pehomejafatshe ka Mphalane 2024 ho bakile hore ho be le dikgulo tse hodimo haholo nakong eo sena se neng se qala, mme sena se bakile hore ho be le dipokello tse phahameng tsa PAYE. Ereka tshubehlellano ya sethathong e fedile, dikgahla tsa jwale tsa dikgulo le tsona di fokotsehile.

Tshebetso ya dikgwedi tse leshome tse fetileng e bontsha ho sutha ho itseng tikolohong ya tsa ikhonomi le ya tsa molao. Mehato e mabapi le leano la PIT e ileng ya tsebiswa Tekanyetsong ya 2025 e akaretsa hore:

- Ha ho ditlhophisobotjha tsa infleishene tse bileng teng mekgahlelong ya lekgetho, le dinyehlisetsong tsa tjhelete e kana ka R15.5 billion; mme
- Ha ho ditlhophisobotjha tsa infleishene hodima dikhrediti tsa lekgetho la kalafo tsa tjhelete e ka bang R1.2 billion.

Ho feta moo, diqeto tsa motheo tsa ikhonomi tse mabapi le meputso di ile tsa kokobela ka nako ena ya selemo, moo dikakanyo tsa Tekanyetso ya 3.0 le tsa Puo ya Nako e Mahareng ya Tekanyetso (MTBPS) tsa 6.4% di ileng tsa fokotseha ho fihla ho 4.8% Tekanyetsong ya 2026. Nakong ena, diphetho tsa nnete tsa Kotara ya 2-2025 (Mmesa–Phuptjane) le tsa Kotara ya 3-2025 (Phupu–Loetse) di hodile ka 3.9% le 3.6%, ka ho fapana. Kahoo, kgolo e neng e lebelletswe ya PAYE e ile

ya sutha ho tswa Tekanyetsong ya 3.0 ya 7.8%, ho ya ho 8.4% ya MTBPS ya 2025, le ho leba tjebehong ya Tekanyetso ya 2026 ya 7.9%.

Paloyohle ya Pokello ya Lekgetho la Lekeno la Kgwebo (CIT) ho akareditswe le Pokello ya Lekgetho la Boikobelo

Dipokello tsa CIT pele ho dikgulo di fihleletse R281.5 billion, mme sena se hodimo ho tsa ngwahola tsa R258.1 billion ka R23.4 billion (9.1%). Keketseho ena e akaretsa R26.1 billion e tswang mekutung ya boikobelo ya kontane, e nyolohileng ho tswa ho ya ngwahola ya R23.7 billion ka R2.4 billion (10.1%). Ha ho sa akaretswe tshai ya mekutu ya boikobelo, kgolo ya Selemo le Selemo e fokotsehela ho R21.0 billion (9.0%).

Paloyohle ya Pokello ya Lekgetho la Nakwana la Lekeno la Kgwebo (CIT) e bile R262.6 billion, ena ke nyoloho ho tswa ho ya ngwahola ya R237.8 billion ka R24.8 billion (10.4%). Mekutu ya boikobelo e bile le ditholwana tsa R15.5 billion papisong le tsa ngwahola tsa R12.6 billion, mme ena ke keketsheho ya R2.9 billion (22.9%). Ntle le mekutu ena ya boikobelo, kgolo ya Selemo le Selemo e ka be e theohetse tlase ho R21.9 billion (9.7%).

Dipusetso tsa Selemo ho fihela Jwale (YTD) e bile R26.4 billion, mme ena ke nyoloho ho tswa ho R22.3 billion ya ngwahola ka R4.1 billion (18.6%). Matsapa a SARS a taolo e thibetse dipusetso tse sa dumellehang tsa tjelete e kana ka R11.0 billion. Hodima mona, tahlehelo e hlahlobilweng ya R14.3 billion ya khampani e kgolo e ile ya qhelelwa ka thoko kgahlano le sekoloto sa R17.0 billion.

Dipokello tsa CIT ka mora dikgulo di fihleletse R255.1 billion, mme tsena di hodimo ho tsa ngwahola tsa R235.9 billion ka R19.3 billion (8.2%). Matsapa a ho ntlafatsa boikobelo ka boithaopi e behile ditholwana tsa R51.4 billion papisong le tsa ngwahola tsa R39.1 billion, e leng keketsheho ya R12.2 billion (31.3%), eo kante ho yona kgolo ya Selemo le Selemo e ka beng e bile R6.9 billion kapa 3.5%.

Paloyohle ya Pokello ya Lekgetho la Boleng bo Ekeditsweng (VAT) ho akareditswe le Pokello ya Lekgetho la Boikobelo

Dipokello tsa VAT pele ho dikgulo tsa R714.6 billion di nyolohile ho tswa ho tsa ngwahola tsa R675.9 billion ka R38.7 billion (5.7%). Dipokello tsa VAT pele ho dikgulo di akaretsa pokello ya kontane e tswang matsapeng a boikobelo a tjelete e kana ka R53.4 billion, mme sena se nyolohile ho tswa ho ya ngwahola ya R52.8 billion ka R0.6 billion (1.1%). Ntle le dikuno tsena, kgolo ya Selemo le Selemo e ka be e bile R38.1 billion kapa 6.1%. Ho bohlokwa ho hlokomela hore kgolo e seng e le tlwaelo e hodingwana ho e fihleletsweng jwalo ka Pokello ya

Boikobelo (6.7%) e hola ka sekgahla se butlenyana ho sa Pokello ya Boikobelo (8.4%). Sena se bontsha tlwaelo e ntseng e eketseha ya boikobelo ka boithaopi.

Dipokello tsa VAT di bile le paloyohle ya R504.6 billion, tsena di nyolohile ho tswa ho tsa ngwahola tsa R470.6 billion ka R34.0 billion (7.2%). Bokaalong bona, pokello ya kontane ya boikobelo ke R33.3 billion, mme ena e theohile ho ya ngwahola ya R35.7 billion ka -R2.3 billion (-6.6%).

Monogwaha, dikuno ho tswa matsapeng a boikobelo ho VAT ya Lehae di tlasana ka lebaka la boikobelo bo ntlafetseng indastering ya ditshebeletso tsa elektronike, ho latela ditokiso tse entsweng Molaong wa VAT ngwahola. Dividente ya boikobelo ya boleng ba R1.0 billion (R1.2 billion ka 2024/25) ka hona jwale ke karolo ya motheo wa selemo sena. Hape, dikuno tse tlase tse tswang ditefong tse qheletsweng ka thoko tsa R1.8 billion di tlase ka -R0.7 billion (-26.6%) papisong le tsa R2.5 billion ka 2024/25. Ditholwana tse ntseng di theoha tsa mekutu ya boikobelo ke ka lebaka la dikgahla tsa boikobelo tseo ka kakaretso di ntseng di ntlafala tsa tefo ya VAT, tse nyolohetseng ho 87.4% ka 2.1% papisong le tsa ngwahola tsa 85.3%.

Bokaalo ba VAT ya Thomelohare e bile R210.0 billion, mme ena ke nyoloho ho tswa ho ya ngwahola ya R205.3 billion ka R4.7 billion (2.3%). Matsapa a kontane a boikobelo a bile le kabelo ya R20.1 billion, ena ke nyoloho ho tswa ho ya ngwahola ya R17.1 billion ka R3.0 billion (17.6%). Pokello e ntlafetseng ya Thomelohare ya VAT ke ka lebaka la pokello ya sekoloto e matla ya R15.0 billion, mme sena ke ntlafalo ya R1.7 billion (13.1%) ha ho bapiswa le ya ngwahola ya R13.3 billion. Ntle le dikuno tsena tsa boikobelo, kgolo ya Selemo le Selemo e ka be e bile R1.7 billion kapa e tlasana ya 0.9%. VAT ya Dithomello kahare ho naha di bile le kgolo e seng kae ya R4.7 billion (2.3%), sena se ne se kgannwa haholoholo ke dithomello kahare ho naha ya dipalangwang tse ntjha ka kgolo ya 15.7% bakeng sa Kotara ya 3-2025 (ho latela Mokgatlo wa Naha wa Tlhahiso ya Dipalangwang Afrika Borwa).

Dipusetso tsa VAT tse lefilweng Selemo ho fihlela Jwale tsa boleng ba R312.4 billion, ena ke nyoloho ya R309.1 billion ho ya ngwahola ka R3.3 billion (1.1%). Thibelo ya dipusetso tse sa dumellehang e bile le kabelo ya R50.1 billion, ena ke nyoloho ho tswa ngwahola ya R49.0 billion ka R1.1 billion (2.3%).

Pokello ya VAT ka mora dikgulo ke R402.2 billion, ena ke nyoloho ho tswa ho ya ngwahola ya R366.8 billion ka R35.5 billion (9.7%). Dikuno tsa boikobelo di bile le kabelo ya R103.5 billion, ena ke kuno ya R1.8 billion (1.7%) ho ya ngwahola ya R101.8 billion. Ebang matsapa ana a ne a sa etswa, kgolo ya Selemo le Selemo e ka be e theohetse ho R37.1 billion kapa 7.9%.

Ikhonomi e seng molaong

SARS e ananela hore ikhonomi e seng molaong e beha kotsing tshireletso ya setjhaba sa rona le diketsahalo tsa ikhonomi. Sena se ntse se hola ka sekgahla se tshosang ho phatlalla le makala ohle a ikhonomi ka ho nonyetsa ikhonomi e molaong, ho kgina ho thehwa ha mesebetsi le ho atisa bonokwane. Ikhonomi e seng molaong e utswetsa GDP ya rona palohare e ka bang 5–8%. SARS e kgatha tema ya bohlokwa tsebisong ya SONA ya Mopresidente ya ho theha Lenaneo la Naha la ho Nyopiswa ha Ikhonomi e seng molaong. Mabapi le taba ena, SARS e qadile ka tsela e hlophisitsweng hantle mmoho le mafapha a mang a mmuso, dikgwebo, le ditsebi tsa makala, ho lwantshana le bonokwane, manyofonyofo le ikhonomi e seng molaong, ha ka lehlakoreng le leng ho ntse ho shebanwa le thomo e ikgethang ya ho tobana le qomatsi ena.

Maikutlo mabapi le Pokello ya Boikobelo

Dilemong tse tshelela tse fetileng, pokello ya boikobelo e se e le tsela ya tshebetso ya pokello ya lekgetho mme ke kabelo e ka sehloohong botsitsong ba mokotla wa naha. Ho tloha ho R128.4 billion ka 2019/20 ho isa ho R304.0 billion ka 2024/25, pokello ya boikobelo e hodile ka ho menahana ka sekgahla sa selemo ka seng sa 18.8%, le ha ka nako eo ikhonomi e neng e ntse e ananela letshoho le bakilweng ke sewa le phokolo e bileng teng ka nako ya ho iphumana hape. Kgolo ena e bontsha hore SARS e se e sutha mokgweng wa pele wa ho tshepela disaekeleng tsa ikhonomi ho leba ho suptjweng, ho lokisweng, le ho thibelweng ha se ho ikobele. Ka lebaka la seo, pokello ya boikobelo e bile 16.4% ya paloyohle ya pokello ya lekgetho ka 2024/25, ena ke nyoloho ya 9.5% dilemong tse tshelela tse fetileng, mme sena se ka hodimo ho selekano sa matjhaba mme sena se bontsha ka ho hlaka hore ho bile le ntlafalo e matla ya taolo ya pokello ya lekgetho.-

Pokello ya lekgetho e ile ya ntlafatswa hape ke tsela ya sekwalekwale ya SARS ya tshebeletso, botsamaisi ba tse ka bakang kotsi, mokgwatshebetso wa pokello ya sekoloto, tseo tsohle di ntlafaditseng Tshupane ya Boikobelo ka Boithaopi. Khomishenara Kieswetter o boletse hore leeto la SARS' "la ho fetohela mekgweng ya sekwalekwale e bile ho sheba botjha tsela eo re sebeletsang balefalekgetho ka yona ka tsela a tlang ho fana ka tlhakisetsa le nnetefaletso, le ho etsa hore boikobelo bo be bobebe, mme sena se ne se tla phedisa lepetjo la rona le reng tshebeletso e hlwahlwa e bolela moo ho se nang tshebeletso hohang".

Ponelopele ya 2030 — Lekgetho la 3.0

SARS e bile le kgatelopele e bonahalang ho aha taolo ya dijithale ya tsa lekgetho le ya tsa bolaodi ba meedi ya sekwalekwale le e bohlale bakeng sa bokamoso, moo "lekgetho e tla ba ntho e iketsahallang feela". Sena se toboketswa ke ponelopele

ya SARS e bohlale ya sekwalekwale eo botshepehi ba yona bo sa belaelweng, le e tlang ho hlompheka le ho tlotlwa ke bohle. Ho bontsha kgatelopele ena e babatsehang, ka nako ya sehla se qetang ho phethelwa, SARS e sebeleditse balefalekgetho ba fetang 6 million bao ho neng ho sa hlokehe hore ba etse letho, sena ke ka diteboho tsa SARS *Auto Assessments* moo ho sebediswang deitha ya mekga ya boraro le bohlale ba maiketsetso. Moo ba bileng le dipusetso, mme ho ne ho se na dipatlisiso tse ding, ba ile ba fumana dipusetso tsa bona nakong ya dihora tse 72. Ha molefalekgetho a faela kgutliso, sena se nka nako ya metsotswana e ka tlase ho e mehlano le ho ntshuwa ha hlahlobo. Motjha ona o tla ka tsela e ntjha ya taolo ya lekgetho. "Ponelopele ya rona ya 2030 ke ho buisana ka nako le balefalekgetho ka ho sebedisa theknoloji ya sekwalekwale e kang boithuto ba mahlale a sekwalekwale le a motjhini, deitha ya saense, manollo e rarahaneng ya deitha, mmoho le manollo e tshorisitsweng ya dipalopalo", ho rialo Khomishenara Kieswetter.

Khomishenara o tswetse pele ho hlokomela hore "e bile dilemo tse supa moo SARS e ileng ya arabela diphephetso tsa Letona ka tsela e kgabane. Selemo ka seng, re tsitlallela ho thusa ho aha mmuso o nang le bokgoni le o sebeletsang Maafrikaborwa kaofela, haholoholo ba kotsing ya ho utlwiswa bohloko hara rona. Haesale ke bolela hore ba bang ba rona re na le bokgoni ba ho phonyoha dikoduwa tsa ikhonomi, diwa, mmoho le ho hloleha ha ditshebeletso tsa thekolohelo hobane re na le tjelete, empa ba kotsing ya ho utlwiswa bohloko ba hloka monyetla ona. Nkgono wa Kwamashu, moshanyana le ngwanana ba mane Diepsloot, mmoho le batho ba kang bona ba tshepetse ditshebeletsong tsa mmuso. Haesale re ikemiseditse ho kgatha tema ya rona ho thusa ho kwala sekgeo ka ho bokella tsohle tse lokelang ho ba mokotleng wa mmuso".

Diphetho tse ntle tse fihlelletsweng ke SARS dilemong tsa ho feta di itshetlehile hodima basebetsi ba SARS le tshebedisanong ya balefalekgetho le bahwebi. Khomishenara Kieswetter o hlokometse hore: "Ho basebetsi bohle ba SARS, ba kgannwang ke tshebetso ya rona e intshang sehlabelo ho arabela phephetso ena, ke a le leboha ha le bile karolo ya bohlokwa ya matsapa a tswelang a ho bokella se hlokwang ke mokotla wa naha. Mosebetsi wa lona, ho qala ka ho ntlafatsa tshebeletso le ho hatella boikobelo, o tshhetsa botsitso ba ditjelete ba Afrika Borwa mmoho le ho iphumana hape ha ikhonomi.

SARS e boela e ananela tsebisano ya Letona e mabapi le ho atoloswa ha meedi ya ngodiso ya VAT bakeng sa dikgwebu tse nnyane, tse mahareng le tse kgolo. Dibekeng tse mmalwa tse latelang SARS e tla tsebisa ka mehato e tlang ho nkuwa ho phethahatsa tsebisano ena ya Letona.

Ho fumana lesedi le fetang lena, ka kopo ikopanye le SARS ho SARSMedia@sars.gov.za

KE PHETHO